

連魏文帝城門校尉范陵王伯周女也亦學道一旦忽委化塔李于期入陸渾山中真人又授此法子期者司馬魏人清河王傳也常言此婦狂走云一旦失所在矣

上清六甲靈飛隱遁服此真符遊行八方行

此真書當得其人按四極明科傳上清內書者皆列盟奉曉啓誓乃宣之七百年得付六人過年限足不得復出泄也其受度者皆對

齋七日脫香信於有經之師上金六兩白素六十尺金鏤六雙青絲六兩五色繪各二十

二尺以代剪髮登壇歃血破券之誓以盟奉行靈符玉名不泄之信如違盟者誓七祖父

母及己身俱受風刀之考詣積夜之河運蒙山之石以填孟律有經之師所得法信當給

施寒柩貧下孤病老耄懦弱之輩不得獨用

如違科典 張六 十九

三官紀察死為下鬼切宜敬之慎之

上清瓊宮靈飛六甲左右上符

太上洞真經洞章符



張七

洞章符如左

太上三氣化為神符號曰三元無量洞章制

命六甲運使五行率離還合却死來生消除

三鬼滌蕩五神五神一曰五尸三鬼一曰三

蟲五尸五名參神亂鬼在人身者勸為惡事

良辰吉日上白玄司太上有命勅諸天神領

攝尸鬼劫人罪愆司命考算黜惡降賢醫者

上學清齋治身捨惡習善拘制鬼尸除滅凶

氣引納吉神受符佩帶存思在心太一降神

名上生籍永免九地之憂長保三清之樂也

洞章符吉文


某號某年太歲某月日時奠土臣妻某州

縣鄉里某人性名先身乘條慶染來質輪轉

九天流祚不絕得來玄洞之經陶鍊微妙之

術恐三蟲未蕩五尸奏疾謹請洞章秘符滅

落尸蟲削死上生一如太真明科律令






三尸上尸中尸下尸五尸青尸赤尸白尸黑尸黃尸三尸五尸俱入黃泉吾升青天保長生樂未央世世居天王

右五尸秘咒朝密言之

左无英右白元中司命上太一下挑康結精神攝魂龜延年命定百神益精氣削死目正生名五老度符籍五靈奉洞章提攜吾與我道還宴玉京

右五靈密咒夕夕密言之

生策五符



右第一保神長生符策
本命日日中時
書符紙作二枚
中入空存思舉向本命服一枚以刀從上
下黑點處中破之左半內寬大中右半內
并水中本命常如
此帝記命券也




右第二不死飛仙符策
本命日日中時
書符紙向東服之



右第三滅尸安命符策
本命日日中時
書符紙向東南服



右第四記年安形符策
本命日日暮時
書符紙向本命服之



右第五制鬼實命符策
本命之日
日本命

之時朱書白紙北向服之不知生
月日時以戊午日中日時服之
五籍五符服之依法行則佩之存號曰策修
習在精名書玉曆五神降靈同升玄極也
凡咒誦鍊氣安神却魔臨目存思叩齒振威
警誠內外先密誦滅邪咒曰

黃中策氣斬妖宗察制強精斷邪翁太上有
命太上房急召北帝詣玉宮奉承威令宣魔
王九氣齋鬱與命衝秘藏玉文方就隆三天
運明六天運終賢者哉

密咒畢乃誦諫諸經不然則眾邪干人上士
勤習之則魔神敬護若服符行符佩帶策不
誦諸咒直密咒此便服佩隨意也
五威五式符佩之延年益壽威鬼伏人一切
敬仰鬼魅百精不敢干人長生吉祥

原圖符篆

右太上天神執地止毒以威凶邪不害真
正

原闕符篆

右太上神虎五武雄精推魔伏惡衛護忠良

原闕符篆

右無上玄老龍蛇之王威神振肅幽隱必周凶人惡鬼莫不畏伏


原闕符篆

右太一天尊把持斗柄所指者破所臨者伏祐善罰惡降接清真五靈侍衛神官羅陳受者存之諦憶勿忘三年之後親觀尊神也

其號年太歲某月日時某州郡縣鄉里男女姓名年若干歲請無極大都督五威五武神符佩之辟兵入水不逢蛟龍入山不逢虎狼蛇虺惡人見我摧心失膽鬼神見我伏不敢起誅符破廟斷截六天餘號羣精萬惡所在里杜邑城符傳見我皆來謁拜兼威武橫行天下眾邪摯伏謹奉行真符一如太上老君律令

右五威五武符佩之寫圖勿題右注也

太一扶命延年神符如左



其號年太歲某月日時某州郡縣鄉里男女姓名好道樂生太上子孫某屬神仙玉歷北斗七星君值今時難世惡羣邪互行其身恐不全度請受太一扶命延年神符以自防保肉人受符之後行來出入無有憂患魘鬼賊見符皆即伏匿土地真官皆共送迎不得有違急急如神符本旨律令

太上洞真經洞章符